

**Usurbilen, 1995eko irailaren 29an  
Udarregi bertsolariaren mendeurrenkari**

Haritschelhar, J., euskaltzainburua  
Lekuona, J.M., euskaltzainburuordea  
Knörr, E., idazkaria  
Arana, J.A., diruzaina  
Azkarate, M.  
Davant, J.L.  
Goenaga, P.  
Irigoyen, A.  
Kintana, X.  
Krutwig, F.  
Peillen, Tx.

Lizundia, J.L.  
Mujika, J.A.  
Sancristoval, P.  
Sagarna, A.  
Zearreta, J.J.

Usurbilgo Udaletxean, 1995eko irailaren 29an, arratseko 6etan, bildu da Euskaltzaindia. Aldamenean aipatzen diren ki-deak etorri dira. Ezin etorria B. Oihartzabalek eta L. Villasantek adierazi dute. Udaletxeko batzarregia beterik zegoen. Mahaian jarri dira: Jose Antonio Altuna alkatea: Jean Haritschelhar euskaltzainburua: Juan M. Lekuona euskaltzainburuordea eta egungo txostengilea, eta Garikoitz Udabe mendeurren batzordekidea.

Batzarrari hasiera emanez, Juan M. Lekuonak egin du bere hitzaldia, "Udarregiren bertsogintza baliapide erretoriko-poetikoak" tituluduna. Idazten ez irakurtzen ez zekien bertsolari honengan aurkitzen diren tropeak, ironia eta umorea azaldu ditu Lekuona jaunak bere jardunean.

Ondoren, Garikoitz Udabek mendeurren osoko programaz hitz egin du, parte hartu duten guztiei, eta batez ere, Euskaltzaindiari, Udalaren esker ona agertuz.

J. Haritschelhar mintzatu da gero. Bi ardatz nagusi izan ditu haren hitzaldiak: baretik, arbasoak goraiatu beharra, guri utzitako literaturan, bereziki, eta, bestetik, Euskaltzaindiak bertsolaritzaren alde egin eta egiten duen lana.

Azkenik, Jose Antonio Altuna Usurbilgo alkateak amaitutzat eman ditu mendeurreneko ospakizunak eta eskultura bat eskaini dio euskaltzainburuari, herriaren esker onaren erakusgarri.

Jean Haritschelhar,  
euskaltzainburua

Endrike Knörr,  
idazkaria